

本傳

鄭清之字德源初名燮字文叔鄞人少從樓昉學能文
為樓鑰所稱賞登嘉定十七年進士教授峽州帥趙方
嚴重斷許可視清之獨隆重命其二子范葵出拜且拔
清之無答拜曰他日願以二子相累湖北茶商羣聚暴
橫清之白總領何炳曰此輩精悍宜藉為兵緩急可用

此之號曰茶商軍後用果有賴遷國子學錄丞相史
曰清之曰皇子不堪負荷聞後沂邸者甚賢若善
戊彌老即君坐也言出於彌遠口入君耳



若一語涉於族矣即除清之魏惠憲王府教授俄兼太學博士寧宗崩彌遠入定策詔旨皆清之所定理宗即位累遷參知政事及同知樞密院事彌遠卒命清之爲右相兼樞密使帝時親總廢政清之亦慨然以天下爲己任召還真德秀魏了翁崔與之李埴徐僑趙汝談尤焞游似洪咨夔王遂李宗勉杜範徐清叟袁甫李韶時號小元祐又旌異遺逸劉宰趙蕃輩端平三年以雷變請祠嘉熙二年封申國公四年賜御書輔德明謨之閣賜楮十萬緡爲築室乃日與賓客門生尚羊山水間淳

祐四年進封衛國公五年進封越國公拜少師賜第西湖之漁莊進讀仁皇寶訓謂仁祖之仁厚發爲英明故能修明紀綱而無寬弛不振之患孝祖之英明本於仁厚故能涵養士氣而無矯厲峭刻之習蓋仁厚英明二者相須帝褒諭之七年以太傅右丞相兼樞密使帝以邊事爲憂時趙葵以樞密使視師陳韡以知樞密帥湖廣清之力主之科降辟置無留難於是泗水渦口木庫之戰皆捷諸路虧鹽執其事者破家以償清之費其墨誤者悉蠲以全活甚衆又進十龜元吉箴帝命史官書

焉卒引薦趙葵使居右相帝從之葵亦不果來兩拜太
師辭閭門給扶掖二人再賜玉帶以疾累乞罷政拜太
傅保寧軍節度使充醴泉觀使進封齊國公致仕卒特
贈尚書令追封魏郡王謚忠定



國家圖書館, NATIONAL CENTRAL LIBRARY, TAIWAN, R.O.C.

安晚堂詩集卷之一

默坐偶成

四明鄭清之德源

洹河見水老如新此見云何別妄真心本佛心須作佛
境皆塵境莫隨塵空中花果浮生眼夢裏悲歡現在身
萬事盧胡啣茶去不知誰主更誰賓
低頭莫莫更休休老去浮沉一敝舟病惱幻軀天惡劇
醉尋熟睡我先籌眼前勤惰書開闔窗下陰晴雨散收
假使莊生夢爲蝶也應貸粟監河侯

睡魔勾引鶴投林書債中拋筆似瘖尚有烏髭羸白髮
擬尋朱汞養黃金寸機解起千疆畝一息能藏萬古今
塵世何人是知己推窗明月正當心

追記覺際偶成

我到家山雪尚飛看看寒食展歸期花開無酒蝶貽笑
春盡不吟鶯有辭窗下竹君陪晤對手中杖子共追隨
閑來自唱無生曲井底泥蛇舞柘枝

靜極

磨甃豈解成明鏡打坐如何作佛身靜鬧頭頭須認著

暑中冰凍雪中春

燈新

小艸虛心不染塵傳燈會上屢焚身光明一點元無盡
謾結空花作好春

臂疼醫灼艾戲成

幻體當如泡影觀法身清淨本堅完四千八萬陀羅臂
艾炷教君何處安

食豆莢

西風撼撼州蟲鳴萬莢叢中詫瑞莫者啖快輸兒女吻

燃萁不忍尚堆青

臂疼自斫

雲長鑿骨未爲奇，斷臂亭亭對祖師。
萬法從心當自省，箇中冷暖有誰知。

有感

子思問學惟誠意，孟氏工夫只反身。
定慧妙明無處覓，要知儒釋共天真。

秋色佳甚未能一到，覺際像景謾賦二絕。

秋光淡薄有無間，掠水斜風雨脚斑。
試向菰蒲深處望，

嫩黃一點荇花閑

藕花萬柄斂春粧，賸駐霜荷葦芙蓉。
水路想通漁艇入，我來月下要鳴榔。

感風悶坐戲成六言一首示雲岑

夢覺無兩莊子是，非只一東坡。
顏淵箪食爲樂，啓期帶索行歌。
魯侯不過天也，伯寮其如命何。
世事如碁新局，人生落葉辭柯。
誰人見張平叔，何處覓藍采和。
且服單方妙藥，般若波羅蜜多。

秋成風雨

垂垂金穎賀秋成去逐狂風一羽輕何事天工惡戲劇
眼前翻覆見虧盈

雨後閑坐偶成

秋霖得曉晴景色似郊坰山向閒中碧雲從闕處青簷
牙多宿溜木杪掛疎星一枕便高臥清風入暑櫺

兀坐

夜聽寒蛩曉聽蟬梧桐疎雨晚秋天空齋抱膝元無事
半是癡愁半是禪

香山老惠兩貓

殺活禪機本自由順行逆用總先籌伽叅親抱狸奴送
管是南泉是趙州

香山貓食粥

梵宮新造兩狸奴晨粥饑餐食肉如料是伊蒲三昧熟
未知遶膝許無魚

冬瓜

剪剪黃花夜後春霜皮露葉護長身生來籠統君休笑
腹裏能容數百人

茄子

青紫皮膚類宰官光圓頭惱作僧看如何緇俗偏同嗜
入口元來總一般

贈李相士

未遇公卿儘好看會將碧眼招人寒邯鄲夢覺君休問
試卜何時可掛冠

七月初五日城中大風雨

颶風起海撼官城吹斷銀河徹曉傾瓦陣飛翻千鶴起
屐聲旁午萬蛙鳴駢肩重足人如醉湧溜奔雲氣未平
誰與箋天如帝律毒龍斥去鎖東瀛

聞覺際被風寄頌老

古德把茅惟蓋頭颶風飄屋等虛舟矮窗猶有蒲團滑
也勝床頭滾雪球

督覺際蒔菜

秋後從來數晚菘自鋤稀甲幾多叢莫辭楫楫頻攜甕
準擬清饒王參翁

偶記賦王昭君謾錄之

作

因覽詩話中賦昭君者
命意多溺於情遂出此

伐國曾聞用女戎忍留妖醜漢宮中如知褒姒貽周患

須信巫臣爲楚忠青冢不遺芳艸恨白溝那得戰塵空
鮮攜尤物柔強道延壽當年合議功

八月初五夢桃杏枝上皆小藥頃刻間一花先
開既而次第皆拆色殊紅鮮可愛夢中爲賦一
詩覺但記其第二句戲足成之

天孫紅錦淺深裁爲惜芳苞未肯開爭奈東風披拂甚
枝頭次第吐香腮

贈談命陳總屬

彈鈇朱門歲月過生涯安樂徧行窩談天有口機關別

處世無心笑語多自是君平忠孝在其如曼倩滑稽何
一帆又作鴟吞去遙想江湖聽踏歌

八月上弦夕

輕風熨貼晚雲開爲放中秋半月來待得月圓多值雨
不如今夕共罇壘

覺際閑坐紀所見

蛛網雨中時恤緯蜂屯衙後自嬰城竹根得土筍爭魁
紙隙受風宿善鳴

食蛤戲成

滿殼濡潮汐因沙產海滘文身吳太伯緘口魯銅人雀
化宜分雋蛙烹肯擬倫蛙大者名風蛤試呈饗賦手半熟酒含
津

督覺際植花

桂後秋蘭解出奇幽香元不許春知移根好向他山覓
承受風光到竹籬
兄弟梅礬是水仙曝根向暖種宜先銀臺金盞惟須酒
不可無渠對雪天

催覺際植芥

淡交耐久最宜蔬風味清嚴莫芥如沃壤深畦須早計
雪中滿擬飲冰茹

觀書

連日脾胃不快因觀書遂喜食

肝脾何藥解清虛不用參苓不哎咀一種卑方無授受
明窗端坐只觀書

夜雨

依風急雨墊秋清踈數無時總有聲最是可憐雲裏月
幾翻陰翳幾番明

睡起戲筆

范蠡功成便五湖
鵠夸未了復陶朱
爭如終老嚴陵釣
千古清名一事無

謝天童老秋蘭

楚畹春曾汎曉光
直留雅艷到缸藏
山中不把一枝到
世外那聞千佛香

秋色追隨入慧光
肯攜幽卉問行藏
深林未省炎涼態
來爲閑人特地香

綠葉青青

音菁帶紫光

經有紫金光聚

拈來笑處沒遮藏
密圓應

具楞嚴偈非木非空出妙香

夜雨不睡

浮沉世事付洪喬
欹迢迢度永宵
雨細無聲簷溜滴
香殘有燼篆烟銷
翻盆碩鼠全欺暗
遶鬢飛蚊始作嬌
老去易驚寒暑變
幾多今夕又明朝

少日無歡老易愁
鶯花過眼一春休
清虛未解窮眸釋
情思誰能更孔周
白醉暫煩簷送暖
蒼顏惟恐鏡包羞
爭如一點天然物
不共浮生作去留

育王老禪屢惠佳茗
比又攜日鑄爲餉
因言久則味失
師授以焙藏之法
必有以專之笑謂非

力所及謾成拙語解朝錄以爲謝

曾讀茶經如讀律一物不備茶不出未論煮瀹應節度
第一收藏在堅密摘鮮封裏須焙芳溫蒸爲寇防侵疆
朝屯莫蒙要微火九轉溫養如丹房育王老慧老茶事
新授秘訣乃如此幾番惠我先春芽竭來細問茶何似
我初謂師茶奇絕十日之後如飲糜頗疑緇俗果異撰
良楛輒爲居所移吾言未終師絕叫爲茶傳法恨不早
綺疏應合有司存料理如前母州州對師大笑面欲紅
三年宰相食無鮭長鬚赤脚供井臼荒寒正類山人家

屢屢吹盡知虎吼何曾敲雪春雲走不如時_知趙州門
侍者可人長摸首

竹下見蘭

竹下幽香祇自知孤高終近歲寒姿垂楊謾舞多嬌態
倚賴東風得幾時

小軒偶成

齋餘宴坐息深深萬法皆閑境會心輕浪颭荷珠溜玉
晴曦穿竹翠籠金岼頭舟楫人歸語檻外菰蒲鳥去音
謾說陶車并謝妓如如不動勝登臨

舊冬得萋蒿數十根植之舍傍今春遂可採擷
輒持瓶黃堂拙語先之聊發一笑

萋蒿見錄爾雅篇族譜系出荆楚孺居人採擷不論錢
橫道躡轆如車前物有貴賤所遇然雞墮豕苓以常言
世間何有正味焉嗜芟昌歎性所便冰壺先生齋癯傳
敢驕玉食輕膏羶天隨酷謂杞菊賢一賦金石聲相宣
玉糝萋芋稱蘇仙天上酥醅能比肩憶昔客授湘湖偏
乍逢此蒿日流涎嚼寒冰玉香滿咽甘滑琉璃鳴貝編
襟以豚膏軟如綿脆甘豐膩潔且鮮天花石耳羞爭妍

木難退飛山之巔笑渠芽蕨成兒拳岍視椹圃眉宇軒
七菹五菜誰敢先獨能兄事玉版禪一別楚產知幾年
孤根竭來植鄞川春苗出吐含曉烟援條小摘喜欲癩
故人千里方言還調笔酌之雙觥舡枯腸慰滿蕪菹綠
食芹而美不敢專遣送兵厨羞俎邊噴飯一笑貧富邊

太史報彗星沒

老彗妖芒欲蕪天王良見迫焉收鞭紫微一夜璣衡轉
甘雨祥風到野田

和趙從道賦菜畦春富貴

多生菜氣粥魚僧味菜還知好色登戲學桃根和露煮
正堪摘稻配香蒸見誠齋詩

芝田不減高山樂蔬食誰言孔色矜孔子見老聃云云去而驕志與矜色

蒲筍祇應維菽美鏤錫何必羨韓膺

送林教授行戊戌九月


玉壺仙骨產蓬萊客授京璜雋武開曾向西山傳墨印

魯直墨以傳千古文章之印好游東觀籊蘭臺青雲直上輕餘子黑


髮誰量未易才側耳韶蕭充雅奏顧同觀樂詫州來唯

石鼎煎茶午夢醒羊腸怕聽遶車聲刺舟忽至驚安道

漢使新招別子鄉交誼從君知絕俗凋年如我最關情
鸞鳳先路爲時瑞肯卜筵尊訴獨清



國家圖書館, NATIONAL CENTRAL LIBRARY, TAIWAN, R.O.C.



安晚堂詩集卷之二

謝虛齋和詩

四明鄭清之德源

關心穡事恐春遲，暫許花風入繡旗。翠浪半天岐麥詠

玉簪數筍刈萋詩

見山谷過土山寨詩

野亭寄韻追唐什

嚴鄭公有寄題

野亭見杜集

秋菊餐芳敵楚辭，早晚催歸漢廷右。西湖深處

樂天碑

和虛齋勸農十詩

迢遞層陰曉自開，仙舟花底問瀛萊。文章太守非游衍

爲省春耕特地來
燕天妖焰誓初沉
朝汲仁賢簡
帝心未用鋒
車便指牽
小須千里徧
春霖
蔽日寒雲悄
欲秋仁風載
路曉光浮
田翁攬抱兒
孫笑
竹馬橫陳未肯休
問訊桑麻真郡政
按行松菊似家山
挽回和氣歸田里
只費齋鈴半日閑
暇日碁書六一翁
錦檣絲轡與春逢
年時豹尾車中望
山色有無知幾重

曉夢吟成望帝歸
征鞍未許柳絲知
笑聽郢嶺春禽哢
去博延英午漏遲
醜顏醉客玉西東
半濕塵衫上翠空
鄒谷雖寒應解黍
朱車面面是春風
小隊旌旗半道歸
松陰緩策攬清暉
女郎未覺寒帷過
笑語相教著嫁衣
老黥山靈具六通
解將蒼狗護奇峰
虛齋自有青囊眼
卻笑景純書未工
恰好農時踏翠烟
睡龍驚起雨公田
官程便作乘閑看

不用扁舟學計然

宿翠山

篔簹十里見青嶺行盡松陰得翠巖萬壑聲中清磬出
一峰高處白雲緘茶新煮鼎作魚沫僧有可人能塵談
自覺靈山緣境熟佛禪重問後三三

暖風依日佐山行幾許春隨屐齒生溪舞綠雲苔出沒
田翻翠浪麥斜橫閑中適意榮三事歲晚無年式耦耕
一靜可能銷幻藥剝開曾次著崢嶸

和葦苙應直院送秋蘭韻

大椿凌千秋靈芝競三秀書傳迥誇詡垂芳古今宙貴
耳但奇奇相馬失之瘦誰知楚醒花遠避漢金耐擇交
得素節彼哉懷春誘夫君全德馨內美本吾有姑置芝
與椿秋蘭歲相壽

南坡口號十八首

十日南坡兩日晴晴時不放日華明春光似妬閑人佔
端的春風飽世情

天工忽忽度年光料理人間富貴忙閑裏何曾關造物
一分風景亦收藏

誰將春晚作冬看
添著錦衣減卻難道是麥穞猶未
在願渠麥熟且禁寒

休言無地起樓臺
十箇花窠沒處栽
東近北鄰西近水
且教紅白面牆開

欲識魚梁試作則箇看
輕拋野淥罩清寒
幾回漉起空
無物輸教羣兒下釣竿

吾孫宗子喜相過
一笑檀欒似樂窩
且向尊中陪北海
直須閑裏識南坡

酷愛烏鳴山更幽
牆陰風雨但颼颼
筠籠買得春禽語

不會憂時也白頭

近得白頭翁善鳴

管絃不礙登山屐
梁肉何妨滿腹書
豈是清談愧夸甫
爲無阿堵遠吾廬

試向青池放小鮮
洋洋圍圍忽悠然
校人真箇知魚樂
殺活禪機總是禪

分席春畦僅一弓
靈根移自石窗東

五味子生於四明山饒渠五

味誇仙藥爭似鹽梅
僅策功

紛綸兒造信多才
果解分風作去來
我向南坡一旬雨
春陰今曉爲誰開

小窗白醉篆香遲只有書君伴燕願料得人間無此樂
殷勤獻與定牢辭

枝筇掛起一旬彊剪剪春風到柳塘白髮不公欺老我
偏於閑處引風霜

記得兒時誦古詩其甘如薺謂吾欺淡交休恨相知晚
攜向晶盤笑殺伊

薺根春
薺忽生

曉來兩鵲屋山鳴報喜多應只報晴似馬東皇傳好語
故留勝賞到清明

舊日都城飲子魚一鱗今不到茅廬果然額上通三印

盡去侯門代鯉書

安晚生涯冷似灰別墅經營半月廻誇與兒郎翁驟富
詩囊盈握送陳雷

紅紅白白共枝榮怪底山茶有寧馨倩得司花來判斷

不妨一姓蟻螟蛉

二色
山茶

辛丑仲春同黃制屬自延壽雨過禪寂

復與掠雨到僧門帶得清閑一二分素喜堂中無偃月
榻來寺裏作穿雲赤心莫逆惟松友青椰相看有竹君
燒葉更聯東野句紙窗鑽隙候晴曛

病後和黃玉泉韻

山扉連月款酒卮擬共還家浣客衣愧失養生收一溉
笑擒夢豎竄三危大槐安國休重省楚率陀天尚緩歸
樂天詩歸則一病一衰秋後雨
舊語老一病一涼孰言之
須歸楚率天

武老能爲

赤明淪篆正恢台戲挹雄風滌悶懷病骨喜隨新籜換
好詩忽餽寶珠來巨魚未縱王褒登陋室聊淹禹錫階
苔痕上且共理身如理國小須握手詠康哉

再和前韻

爲乏刀圭飲卮卮見魯直語黃庭空想衣朱衣三日未遣三
彭去九軌幾成九折危瘦骨可能支夜永醉鄉那復挽
春歸亦知有客真佳甚握手還須笑樂爲

若時風雨候三台憂國豐年幾入懷執戟未愁方朔死
閉門惟喜子桑來人間宰相真如夢事見類說天上羣仙詎
可階事業鏤冰何所有之乎者也矣焉哉

轅門怒髮羸肩卮計相當年笑解衣誰識英雄千古意
肯論性命一絲危伏波臥看飛鳶墮杜曲生憐獨鶴歸
自愧此身成獲落空搔種種欲何爲

遂初惟喜賦天台
攜月東邊設古懷
雖乏平泉供宴樂
幸尋荒徑愜歸來
踳跚愧我無金汞
蹀躞看君上玉階
傍舍數弓畦藥本
聊支晚歲亦優哉

難追八駿舉瑤巵
肯向羅浮受綠衣
敝服真成原憲病

枯枝幾賦仲堪危

殷仲堪與客戲作危語云百歲老翁扳枯枝盲人騎馬臨深池

忘憂

擬問酒中聖
覓句懶從天外歸
笑傲桑榆知有幾
春秋敢以大椿爲

茂先博物惜星台
世味沉酣酷鴉懷
風月自爲無盡處
湖山誰肯愛閑來
競知疾下多車乘
豈悟機危踏廩階

幸與樂天相伴任休論
達者謂何哉

送姚提幹行

虛齋填東鄣從之南容
君我初未之識邕翰傾殷勤
修潔以博習秀美而有文
玉屏映秋水英辭湧春雲
雞距角魯蜀昂然鶴非羣
晤言到聖處高也樂所聞
最喜直而義壯音駸鼓
鼓告子少於孟先策養氣勛
牛山木信美謹勿容斧斤
助苗固得不稿可使耜不耘
觀子所植立真能張吾軍
仁義可效治淵源在河汾
詩書自師友芝蘭足膏薰
剛風接勁翮去去翔霄旻
清時有聞者必也

吾子云

和德夫治中林宗翰雪詩簡黃制鄉

齋壇將禱肅熊貌一縷恍恂六出奇雲欲商量先警路
雨方收卷避催詩冰花肯效梅粧額風絮嫌隨柳獻眉
鹽虎玉龍莊語在願光遠業瑞昌時

古風一篇簡徐德夫提刑

昌黎有名言受思異知已而况不識面知心詎能幾浮
雲日多變交道冷如水握手遽下石利害毫髮比人情
易燥濕灑瀨發九軌終然風雨晦雞鳴獨無已世變方

下趨特立繫君子山谷未見坡氣味已相似希文非素
交永叔甘遠徙敢謂世無人前修可專美我昔聞君名
恍如讀青史已乃知同時深心愛敬起端平濫持衡薦
賢職當爾亟以聞九重夜半下一紙雅志樂弦歌公車
猶尼止賢者固難進奪情辭詔旨知賢未及用上印返
里里閑居事幽屏黜陟不到耳賓朋有公言聲徽振商
祉入則裨國論挺挺中流砥出持皇華節光風汎桃李
從容五六載平進付常理又聞交游間榮落保終始不
負楊臨賀真見其人矣夜夢加晝思髣髴眉宇紫軍將

忽打門緘書，蛸宿几風簷。屢開闔，襟期頓清。此有時嶧
陽，相知音發。妙指高情，激孤笑新意。償宿喜得一變，已
足失百參。何耻老我，豈私賀善類。知有恃者，君廣廈間
大庇天下士。

簷前蜘蛛

如吞吐緯，自縈纏。出沒無蹤，屋陌邊。懷毒滿身，如蝎大
謾張羅網，欲漫天。

安晚軒竹

松號大夫交，可絕梅。馬清客志相同，英英鳳實卑。餘子

楚楚龍孫過，乃翁晚際一弓橐。素月暑中千斛糶，清風
小軒政欲供晨坐。付女遮闌曉日東。

安晚園戲占

橫塘雨過水初平，浪影窺窗一孔明。籬下觸瓶五鹿角
林間反舌百禽聲。柳公權可送行客，梅子真能寬渴兵。
誰道夏園無所有，蓮花端可傲張卿。

九日即事

安晚閑身晚更安，蛩宵無夢落金鞍。通心白髮誰爲染，
對面青偏儘耐看。多謝紫萸占老健，喜招黃菊伴秋寒。

江城借問生輕暖忽有鳴蛙却爲官

甕畦籬戶小園林獨鶴相陪省一琴老眠官年從實錄

貧依國息寄橫金每從官庫子錢詩盈弓力猶能寸客值騷星

且枉尋楓葉自知酤令緩漂搖醉臉出牆陰

童孫競爽祝雞翁點看凡將句讀中戲指丈兄誇少壯

樂天有張嬾推庚甲問雌雄窮秋對展三更月迥夜傳

呼萬竅風逗曉東窗相管領舉頭灑灑日車紅

題偃谿聞長老堯民擊壤圖

炊煙萬井著僧居人在康衢畫不如寄語偃谿崖淡墨

圖中添我一柴車

謝林治中訪別覺際庵

野服芒鞋踏蘚斑千峰約飭整雲鬟山行陟覺精神健

老去雖貧耳目間步武來尋僧舍舊話言應想夜窗閑

錢湖難買歸鞍駐料得春衫憶素蠻

正月晦夕夢中作偈覺但記其首兩句遂於枕

上足之錄呈慧上人

自是本虛妄覓主了無得誰知日用間顛倒由六賊茫

茫前後際生滅在空色賊去主人歸渾家不相識

因筆記賊入空室頌

平生一片癡妄意室中物自言富可待到老貧徹骨一
宵入人家百寶誌彷彿揀得真金身明處是泥佛

乙巳三月出湖口占

歲朝花片落書奩未信春光已屬厭猛省清明今日事
家家青柳壓朱欄

又

曉日殷勤爲著鞭微風逐旋約輕煙東皇景勝渾如舊
西子粧濃喜近前檻外客山今對長裨時朋酒占初筵

安晚堂詩集卷之三

四明鄭清之德源

冬節忤寒約客默坐蕪品字柴作五禽戲體中
羞小佳園丁以矮梅至如見東郭順子使人之
意也稍欣然呵靴手凍筆占數語呈劉菊坡博
一笑

少日愛花蚤趯趯老去凍蠶已休織水村山郭一枝曉
忽到窗前三歎息年年雪裏自作春搔手東皇不相識
衣冠古岸綺季至介冑嶙峋亞夫色從來魏證真嫵媚

要是廣平熬鐵石月香水影兒女語千古詩腸描不得
笑馮與可幻竹君相對無言面深墨

再和

雪毛舞風學嚶趨凍落天孫碎雲織玉肌不粟彭祖方
戲挾奇芬笑安息生憎萬花肯同調嗤點壽陽聊牛識
結根不向青桂宮絕交月姊無難色誰能柔此老強項
朝暮隆隆轉媧石春風爲媒嬾結子來訪苔痕娛夢得
人間要覓爾許清語渠肉食乃無墨

又

滕六附暄墮寒力六花未辨天機織籬菊老盡蘭始芽
凌波仙子方踵息水邊亭亭逢玉人照眼縞衣如舊識
冰霜相與厲貞操蝶蜂那能犯莊色聽渠吹笛作商聲
正音滿地出金石菊坡爲索孤山詩好句新從座中得
二君聯壁如長城笑整雲梯再攻墨

牡丹嬌春醉無力艷紫妖紅錦城織鹿解嚼花空誤唐
楚以姬歸竟亡息何如野外挺孤操照水淵然有深識
昂昂雪鬢顏真卿何物女子稱國色主張繁華勿復言
如對鴈門二千石語君欲識梅花面好向雲巖訪拾得

語君欲作梅花詩磨盡蓮經大千墨

菊坡筆挽千鈞力剪就冰綃出鮫織謫仙笑作揚州詩
鵬賦消搖六月息市門聊學子真隱下坐還從季野識
清標自是孤山姿媿眠唐家六宮色芒端琢句貌踈影
竹邊着渠牛礪石枝橫帶雪最佳處近水清寒月先得
語梅政可兄涪翁凍雨涪溪打碑墨

謝鄭廣文和韻

春工漚絲呈功力紅日如梭萬花織愛花蕩子不愛命
效死驪姬似荀息艸木搖落天地閉賢哉梅也衆不識

靈根九轉列仙品千古離騷作書色漲晴癡暖動山意
攀翻健倒蒼苔石高標底須雪後見清芬每向閑中得
花前失喜廣文詩柿葉書成點新墨

廣文出新意得梅之全花實根葉譜入秀句輒
效反騷一章

東風不借半分力老樹絲窠冒寒織虛枝生白獨也正
夜氣歸根吹以息箇箇灑灑無一塵無眼界至無意識
居然暗發定慧香不取諸相了空色若與此花論相好
是人如以木鎖石我嘗聞之老瞿曇無有少法焉可得

我詩當以無耳聽索梅一笑付蠅墨

再和

青藜不辨走脚力機杼微聞隔隣織暗香來處窮幽棲
蹇驢崎嶇牛喘息山中欲訪隱君子等閑未許李邕識
同盟頗笑五大夫晚節汗秦有慙色摩挲寒玉古苔蘚
縱渠喚作荆山石雪中索行隱非行怪自是花間着不得
直須謫仙蘇二來溪藤快掃如鷓墨

雪意賈寒欺酒力思婦嬾學迴文織屏山未合篆痕銷
笑倩南枝陪燕息冰紋絡入織手素臉殷拊未真識

兒癡認作春風面剛道杏花欠顏色香浮紫帳夢欲醒
影到窗紗月移石為梅看語將無同左袒孤山未為得
吳都誇麗逸此士十年浪費老儉墨吳都賦桃松竹而不及梅

和趙靜樂梅韻

伊祁作春私帝力司花女課千機織月四十五以為功
何工何嘗停半息老梅偃蹇傲衆芳一錢輕視程不識
和羹肯為媚竈計望林祇笑欲炙色莓苔被服當文繡
冰雪定交過金石靜樂先生大雅韻始信清名不虛得
政須艸聖傳新篇安得張顛首濡墨

司寒駕天騁勢力凍合冰蠶不成織皮膚皸瘃雪滿衣
真人恬漠與道息一花挺出萬木僵其友松筠乃能識
清香遠到惟德馨素質自持無異色春風著意媚衆卉
用物精多老僮石耄紅飛盡密房深佳處暗爲蜂翅得
誰知竹外一枝好千載垂芳在詩墨

菊坡疊遣梅什忽惠蘭芽此變風也敢借前韻
效楚詞一章以謝來辱

霜雰雰兮風作力艸變衰兮蛩罷織思秋蘭兮萎蕭艾
望郊丘兮聊止息悵佳人兮既遠紛吾美於誰識忽有

人兮好修遺予佩兮春色茁瓊芽兮九畹帶杜衡兮被
石凜增冰兮裁裁杳光風兮驟得卜蘭居兮南坡拂余
龜兮食墨

和趙大監知宗韻

萬里修程占學力色絲黃絹新組織只今下筆追二雅
端如養氣閉千息公子何自知寒梅須知三長具精識
亭亭玉雪瑞煙曉愛日香浮綵衣色自然雅韻出天姿
芝蘭那肯羨元石我慙矜節對俚語吹沙鏤冰竟何得
願君寫入遂錦堂冷藥疎枝陪淡墨

再和韻簡菊坡

訪梅長與寒角力兩鬢絲絲尚堪織弔湘賦鵬強解事
長沙少年空太息酷愛孤芳丈歲寒艸木雖多嬾求識
肥遒不爲蒼帝臣白賁丘園義形色風饕雪虐真養素
笑桃溪流漱寒石請翻橘頌作梅賦倍覺風騷楚人得
詩翁試爲決然疑謂余非是甘飲墨

昨雖移韻於蘭然石鼎聯章不可亦不成也再
賦一則語以殿衆作亦騷之亂詞云

好惡移人信有力宮姬尚取崑崙織

晉書織室
崑崙故事

剛姿未

必廣平愛皓首誰憐趙岐息夸車衡萱蓀芷荃富矣離
騷誇博識靈均橘頌不及梅內白孰爲有精色夫何卜
玉楚見棄素瑩無乃砭砭石梅古賢人又何怨伯夸正
是求仁得氏以墨胎端自汙請效公輸爲削墨
續詩愧無修綆力意緒中斷軻母織掉頭吟坐欲成寐
出吻非鳴方願息君詩愛梅筆不停四疊陽關人未識
冰壺交映雪同調秋水爲神月爭色脩然未肯第山磬
介如何必化松石詩壇置韻百夸姓敵壘收功劇益得
須君爲梅作佳傳問事元冥煩史墨

再和靜樂

夫君論事回天力，斯文如貢歟。篚織天葩，瑞時來帝傍。
天香染衣，未渠息。因攜天上白琅玕，散作天花。天女識
冰清，誰似乃翁譽玉。孩兒視寧馨，色月中。踈影射銀漢。
雪裏樛枝，護樂石。望林笑策蓋，世勛萬戶。封封爲公，得
吹微樓頭畫角，春十行。朝拜睿思墨。

靜樂用元韻爲勸學之什再和

士惟食志非食力，於陵奚事親。屢織靜樂一門，自師友
簣進不爲子貢息。元仲季方從太丘，海內人士俱願識。

案上惟作羽籥聲

陸龜蒙

中定無鉏筵色，申旦督課知。

園蔬子夜程書過，衡石舉以翁姬。嗇其兒教育，英才笑
安得文獻超羣王。謝家韋布當磨鐵硯墨。

再和梅韻

北窗夢覺呼一力，曙烏微聞絡緯織。推窗宛見野梅面，
帶雨猶如看花息。堅白雅佔南枝先，淺紅留待北人識。
宮中自是憐玉奴，天上何爲愛藍色。盧杞仙游事肯隨蘭芷
媚屈宋，獨立芙蓉笑。了石愧我聯篇蟻，空旋穰君六博。
梟已得梅嬾作尉，竟仙去拜官無用斜封墨。

再和勸學韻

仕學優於服田力公儀之家廢葵織詩書爲府道德林
樂在藏修洎游息濃薰班馬有餘香暗摸曹劉豈難識
插架牙籤映隙曛近竹芸編侵晚色諸生競詫邊腹笥
正音如聞孔堂石從知車馬自稽古須信能魚可兼得
四科褒進惟尚賢欽想昌黎方讀墨

和葦芷雪韻

冰山鑿碎五丁力散作席花誰相織射鵬人去飛燕寒
擁衾內視方閑息能令赤鳳冒白羽夜半翩翩天際識

白雲鄉中助劇戲從以萬妃紛玉色鸞沼乍驚舞明鏡
虎鹽未見蓋危石乍離還合紛總總已定復飄如得得
姑置是事先年豐有突不黔應笑墨

夸父逐日有餘力驅萬白鯢飛練織連天照耀作夜明

湧池培堆驚壤息竹高已學搶頭勢梅近猶能半面識

坡翁笑效六一翁八章聯翩韻聲色

坡效歐公白戰體以聲色氣味富貴

勢力韻麻衣忽見蟬蛸陣硯池觀魚來紫石鄭谷祗解

作八章瘦寒句江上魚蓑正披得何如囊錦生穀紋兔園老筆

陽春墨

毛東堂兔園老筆生陽春墨葩不待微和扇

再和雪韻

司冬已窮造父力寒機墮指曉猶織長安貴人金屋嬌
琉璃屏下方偃息楊國忠事穿窬入幕兒女笑喚作楊花元
不識明珠照乘月午夜秋水連天雲一色翻綺新詩出
退之撒鹽戲語欺安石一寒最憐東郭士履穿踵決行
不得自喜猶爲孔子徒且學顏淵食炊墨

適得酒蛤頗佳遣餉菊坡因記曾作蛤子詩有

文吳身太伯緘口魯銅人之句戲綴前語代簡

文身太伯甘斥鹵緘口銅人舌微吐借資墨客富濡沫

鹵乃墨魚之濡骨碎唇香登燕俎半熟含酒老饕賦此翁僅可
闔堂戶班班雋永帶神液入室真味翁未覩菊坡風裁
黃豫章如食蝸蚌江搖柱家國盤餐盡廢太瘦生格遠調高
自清苦子蛤遣汝到眉按努力去爲酒中虎諺稱海醋
酒末下醜豉有何好猶侶尊羹傲儉父海之介夫此小
兒雞肋見笑揚德祖前身誰作水鮮仙飛入珠宮飲甘
露能令齒叻策餘烈一鼎松風漱寒乳

閑中口占五絕

眼欲觀書身欲眠斜拖黃卷曲肱邊不須身眼爭然否

試待醒來問孝先

雨多愁麥又憂苗不雨還憂旱火騎憂國浪愁端是苦
老天那肯病唐堯

杏桃結子已成翁稚綠中間看耄紅階藥元來如許壽
麥秋天氣露春工

見說烏蜂不採花羣飛啄蜜喙如鴉雖然冗食真堪汰
笑語園丁且放衙

春魚潮罷捉洋山數水罾船素手還海若想應饜更甚
飽鮮無復到人間

近海魚
絕少

到龍井寺

竹門斜倚酒家帘石路高低記水簾炙背老農驚偃偻
乘肩癡女笑窺規數窺人立攀籬落一蝶兒嬉掠織簷
款約朋從歸去路馬頭應有月纖纖

春園古寺綠周遭一閣軒騰面勢高爐篆得薊抽露穰
石泉借茗作雲濤風流二老歸靈鷲筆墨千年續楚騷
拙語留題冒珠壁暗中摸索愧劉曹

底忙不肯訪禪林山寺何曾避客深竒石韻高非令色
老松皮脫見真心簷牙徇鐸關幽事溪曲無絃出妙音

拂拭少游碑好在姓名曾記落碑陰


十里輕軒憇佛廬夢身差記蝶蘊蘊伊蒲巧作魚蝦樣
矮筍新饒繭粟株暫到欲陪僧夏靜等閑生怕俗塵汙
計然老去翻多事空挽西施向五湖

孟童子中異科而還來訪余於行都賜第輒贈


以詩

在昔昌黎公序贈張童子獨出超等夸芳名駕青史君
門藹世勳夔軼西平李宗社方同休彪炳見孩稚天庭
插犀角星眸炯秋水誦書如焦琴高下涵角社朱門共

駭聽洗此箏笛耳老翁欲答兒眼看拾青紫一朝聞九
關賚予出周籟我朝晏與楊炳炳貴名起願子志遠大
勤學踵前軌家尊我相知作詩贈歸騎



國家圖書館, NATIONAL CENTRAL LIBRARY, TAIWAN, R.O.C.





安晚堂詩集卷之四

四明鄭清之德源

林治中鄭廣文以詩來遣魯酒報聘拙語輔行
長公本喜飲半入野人腹南州春夢姿亦復開醉目尚
想晉流麗斃飲更升木興來索老兵誰謂酌可獨我亦
愛客至陶中時一灑澆雖有彭澤田種秫若不足頗因病
入務飄棄尚餘綠豈無大雅朋來伴離騷讀廣文架簷
花和靖時修竹交情如耐醇秀句喜心沃觴政嘗卜夜
談闌屢更僕何爲闕芝宇但憶顏山玉聊爾遣書瓶安

得洗愁斛昔誇聖人中今愧平原督今歲家釀殊未佳杯手助

持螯車涎笑逢麴青州豈烏有白衣問黃菊如皋應解

顏對酒頗勝俗梅聖俞詩獨坐與婦飲頗勝俗客對何時赤壁游匏樽笑

相屬欲歌麴鹿鳴三正苦龜藏六飲肯遺公榮雨煩過御

叔忻聞麥兩岐况有魚百族小卻揖二豪觥船倒醺酥

謝王泉君黃伯厚和韻

卯飲貪引危夕食不厭腹松醪灑玉池鬱尊傲黃目歸

閑喜攜幼次榮對夏木頗笑屈原醒寧甘馬周獨詩固

發豪思江月欲戲流每賡北海詠未羨西隣足槽規長

吉紅蟻玩杜陵綠醉鄉擬續記書眼瞭可讀時康萬戶

春興到七賢竹筵虛艷姬舞面想宮嬪沃別腸驅藥使

健筆命騷僕居然得良朋清辭瀉壺玉習池可聯乘步

兵有餘斛步兵厨有酒三百斛誰能酒限拘強效八州督今年小

麥好豈屑官廩麴嘉節廼蒲艾早計數萸菊客中真有

佳眼前喜無俗賦設金石聲光粲牛斗屬句在後三三

誰能賽六六試編諸賢詩第以伯仲叔共成杜康傳更

聚山中族萬事付亡何乾坤一杯酥

諸君和篇摩壘致師不容閉壁再繹前韻

平生周伯仁耿耿空洞腹儵然猿鶴姿豈辨鳩鷹目僕
射不解事居士偶題木種柳僅成五樂園祇可獨皓首
愧商隱湛思沾漢澆城府百無有丘壑一已足詎省醉
裙紅安識隊樓綠生經未渠諧酒頌聊喜讀耳熱聞秦
聲浪謂肉勝竹高陽有勅者盛氣和曲沃直須殿上飲
撫床徑呼僕競看梳揮金幾欲斗撞玉方丈食萬錢聘
婷珠一斛豈復堪束帶靡徙揖郡督耆壽祝老饗嘉名
艷春曲期乃知梁州菊大勝伯始菊相逢作青眼洗去爾
許俗冷然曲寡和尚有騎能屬元和一漁翁喜共學士

六吳飲間雅奏楚優效孫叔石鼎廢未央春空雲已族
何當一會期清驪溢寒醪

邠原解劇飲雅名稱龍腹季倫殺馬戲席妓敢噴目有

酒何容辭恐射蔣濟木但當攜酒去名賞幽獨年秋

未足了孔聖米猶可澆杜陵愛展憐猩魂奪卮笑蛇足桂

漿有餘芳柔落見重綠諫遠衢尊投法置醕飲讀籌醜

進藪看流觴屏絲竹未憂瓶罌罄但費區鹽沃勝事在

園林家務付兒僕陶淵明傳釀羔截肪乳魚鳳泣脂玉鍊句

丹九轉橘文泉萬斛競詆酒中賢祇堪帳下督穿幘俯

前案障面厭方麴

楊謬語魯漫漢事

吹不落眼花

樂天詩

歸去來

籬菊華胥國遨遊無懷氏風俗登詩壇爭長破愁城相

屬二盞用坎四三客敬需六共樂時方清誰言世之叔

相從孟公座寧別輔氏族

謂鄭廣文也

一笑祝諸賢行醱天

家醪

今內醞上尊扁以醱醪

再和戲黃玉泉

黃公辭酒壚經筭捧便腹讀書飢鶯聲了了崇文目陂

澄萬頃波巢寄一枝木戲題百姓眼自笑孤館獨轍涸

聊相濡神夜未容漉嘯歌匪彈劍悵臨殊躡足文織犧

尊黃句弦綺琴綠不見蟹杯持徒費爾雅讀坐對嬰卧

牆空有葉映竹枯腸但茶搜燥吻遲膏沃主人如馬瘦

酒使欠猩僕

封漢令事

思折醅醞券欲訪義漿玉喟茲鯨吸

量眇矣龍驤斛靈根日灌溉詩課自程督試當閱醫經

薄釀借神麴共醉靈均平錄未問長房菊飲興非有期衣

曬寧免俗村勺雖不勝嘔泄聽隨屬嬾疊陽關三肯競

梟博六不飲但麥豆頗勝劉文叔醉騎黃犢孫歸玩墨

君族子爲評酒名擬號安晚醪

謝葦芷和韻

無詩不言酒荆公謂李白一詩不言酒作賦真誑腹未破公子慳

况與佳人目壯心思擊壺聖杯賡咏木樂天咏木曲不

袖想胡旋雙粧記揺手獨見陳陶蜀賓筵乏酬獻醴齊

催泚澆稱衡辦過鼓元崇方病足曾無列屋粉空韻梳

鬢綠百篇謫仙詠十軸蒙溪讀見顧雲池有美建安瓊

競爽淇園竹芒端寒煥轉宵次古今沃卧甕唾舍郎祭

酒可令僕漢僕射中時陳南北洗頰醉東西玉雖微醞

五斗端有才一斛詩壇長齋盟筆陣嚴總督方將喝銀

雲未肯平封麴李賀酒酣喝月使倒行銀雲拂拂揺宮

殿明陸龜蒙中酒賦拔酒樹平麴封

宴看傳柑帝歌須和菊德宗作黃菊歌翰牛心固異饌

犢鼻且同俗尊酒日相逢我歌君為屬歡期踐三五釀

頃戲十六樂府庾信對酒人生一百年歡笑惟惟酣暢嗟

阮修飲狂謝裴叔裴叔則語石崇云飲人窪尊留古製

長勺分魯族居然同老襟淺斟醴水醪湘東有醴水

謝鄭廣文和韻

鱸堂心醉經精神應滿腹温飽無所志飲食不以目温

謂今人以耳而說詩稱解頤善問待攻木頗愁百斛量

孔庭惟立獨俎豆荅衛問筐瓷欠鄒澆見鄒陽會子非

酒賦

養口漆園且尊足時於清夜分酌以翠勺綠尊翠勺
聊澆磊砢甯不廢吾伊讀每篇亦作句來詩每篇必
對紀書竹相逢蓋初傾一別乘重沃融尊慙坐滿魯餽有亦作語如
踈拜僕衛生不自寶抑首新惠玉囊無設墓金米乏佳
傳斛厨烟爨人清疏課園夫督粟餅收秫田黍釀用陰
麴解同杜陵襟期醉昌黎菊赤手當縛菟來詩有白
眼謾嗔俗莊虛左氏宴鶴肯西子屬坡賦屬此酒債負
尋常會期遭百六要須中聖賢庶以展伯叔謂宗醉入
無功鄉醒豈屈原族漢從屈昭岸憤一笑榮共賦醜酒

醜晉張載有
醜酒賦

雨中即事簡二友

怒蛙頻作灌夫罵老鶴惟聞莊鷄吟麥熟只應呼快活
林間欠此一聲禽
舉頭但覺雲頭闇移脚何曾兩脚乾衣袂未便時衣褐
薄寒渾作晚秋看
鳩能喚雨復呼晴日日長從屋角鳴晴雨不應關汝事
強饒唇舌效君鄉
五月炎天正及時輕綠扇子未曾持殷勤寄語班姬道

只恐秋深却夢伊

籜龍厭俗託孫兒

隣竹過牆隔砌相過人不知借宅敲門太

多事下床竟日對猗猗

鶯聲求雨亂縲車兀坐翻思二客佳乞得晚晴紅照水

南坡東畔月侵階

客有誦袁蒙齋得雨酬倡之什輟賡元韻志喜

也呈虛齋使君

雷伯四月瘖無聲鳴鳩呼婦鳧浴晴星如撥沙燈吐紅
羲和駕鞭乘赤明稚秧針水未入種秀麥浪畦猶督耕

香車不動百龍蟄轉流如織千蛇橫愛民太守心語口
瘼我以旱寧無生川靈有知龜亦許異物蜿蜒歸掌撫
一雨果從方寸來此念端誠本天與但看父老歌豐年
不用兒童學皇舞拜灾肯效藥已嘆哺民無異紫芝乳
一年事在阿堵中四封笑溢迎門語我州豬野同淮徐
公方有意六輔渠上天下澤鍾惠施千里波及皆君餘
蒙齋詩成虛齋和我樂賦之如遂初坐對聯珠飽官粟
但有歡喜無歎歎祇今快讀二賢詠不須乞米與顏書

又

媧石補天玻璃聲過坎爲雨離爲晴金烏玉兔旁午出
百二十官稱常明下土臣敢再拜問誰主風雨催民耕
天江津河尾北見玉井水漿參左橫何爲湯旱龜土圻
何爲堯水魚頭生孰令赤地星丈許吭扼雷公仍背撫
孰令河鼓塞銀潢勺水線流不輕與孰令捲舌自張翕
孰令天雞自飛舞雲師族聚曷遽散電母兒號奚不乳
黑豬渡河去無迹蒼龍銜珠噤弗語朱鳥崛起王偃徐
烏龜縮頸老沮渠夫君牋天帝馮怒早懸磔死不問餘
天街清潤聯珠璧不爲乾封爲太初一雨三日誰力歟

更唱迭和忘教歎歸之太守不肯有教乃聊代志喜書

又

豸龍作醢龍吞聲天公憤憤迷雨晴玉脂泣烹足媚嫵
苦酒五色生光明龍雖神物畏饒吻攜朋去作天田耕
稚禾婉婉魚薨立高原庚庚龜兆橫漢家燮調豈無術
陰陽縱閉歸董生

我貧自笑一瓢許瓶粟屢空慙釜與彭澤從無種秫資
沂水聊助詠雩舞頗怪吹雲讀風頌浪愁浙米繡危語
清時何事洪羊烹善政端無寧虎乳仁人極溺非姑徐

亟挽天漢如決渠我知造物識君意十日一雨焉取餘
願君展此作霖手蘇民早徙扶黃初在在京城賦高廩
坐令歌頌笑欬歔病坡作計羹玉糝辟穀寧羨黃石書

湖上口占

賣葑千艘底處藏媧天濯熱卧湖光山雲既雨猶相逐
水艸無花亦自香野徑編穿人借問僧茶施點客先嘗
翻思舉世趨炎者誰識蘋風五月涼

戲續前韻簡幕掾林治中

梅林妬日強遮藏西雨東邊漏隙光黃口禽鳴應乳臭

白花梳拆似荷香排根荷出憐嵇紹遜迹萼肥晒孟嘗
後湖之後荷閑處便成清境界底須沂水羨雩涼

煮白酒送林治中

長門思客薦寒泉浪讀松醪桂酒篇數米釀來成玉液
傳家方秘出金川白飛瓊筴應歸重紅滴珠槽敢忌前
聊遣明壺共一笑平分風月晚凉天

偶成呈林鄭二友兩絕

人才百年能幾見俗子一揖已累人元温亦知有此客
德操未省誰爲賓

聲名谷口我宗秀風調西湖我輩人自是山巖著不得
天教暫此伴閑身

旌德觀

瀛丈移從弱水間君思泮魚得躋攀茗香壺酒成三事
巾褐杖節佔獨班境勝亦能充道勝官閑何似在家閑
元都猶有桃花在更向西湖訪好山
綠叢青笠慣孤蒲錯認東處湖處士居舟尾笑迎車後客
渡頭催買網中魚水程趣戍半規日山意論交千卷書
歸去重樓試凝望恍曾雲氣矗凌虛

又

半生東甬數間屋一日西湖十首詩回首風光少年客
春山擁翠作蛾眉

賜第登樓

避俗懶成癖登樓睡失魔忘機鷗自下開檻蝶相過高
處景差勝靜中春更多君思欲以報歸夢欲如何

又

桃李漫山不是春紛紛蜂蝶趁游人梅花已帶春歸了
分付垂楊灑露塵

病思歸心走兔遠自嗤幻境未渠忘并州便作咸陽看
說若乾桑亦故鄉

觀王導傳作


江東老子惠之和九錫牛車温蔡婆不殺伯仁君信否
澹然推分意如何

閑中偶成


病覺身名小閑知日月忙篆香雲四合盆篠竹千章慧
性乾成障愁懷弱未張何如莊宇定虛室自天光

春過日初永睡餘日未收露花心翼翼風葉喜沾沾殿

後蜂尋穴懷歸燕語簷隨楊在何處落絮點踈簾



國家圖書館, NATIONAL CENTRAL LIBRARY, TAIWAN, R.O.C.



安晚堂詩集卷之五

四明鄭清之德源

紹定閏冠平上功省府黃伯厚載與焉余時在
政事堂趙用甫掾西曹力言此文墨事請官以
左選既而賞戾法迄授武階去歲戊戌用甫帥
鄞乃來爲圃屬余浪跡湖山歲餘始一見稍接
觴詠疊疊迫人間及前事相見恨晚余與之酒
曰一文資直恩子然以人廢法雖相知如今日
亦弗敢則笑而不怨赴調行在所贈以君莫愁

之歌

君莫愁君莫愁不龜澣就能封侯君莫愁君莫愁腰六
相印一敝裘日看涎顙與蹙足千金信矣壺中流荻花
江月正佳耳青山浪泣琵琶舟短衣楚製乃翁喜未必
挽弓若丁字貂蟬本是侍臣冠有時出自兜鍪裏雖然
萬戶將軍臂夜逢醉尉頭捨地賣薪愚婦輕買臣不信
讀書有奇事世間衆萬無定容桃李笙木棊惟所逢秋來
桂菊黃金叢千機錦繡開芙蓉西風也解作富貴豈必
桃李專春風得時失據自甘苦姑置自是天夢夢君莫

愁君莫愁雙手試捫舌在不勸君勤買西湖船打篷疎
雨旗亭酒

家園即事十三首

水滿橫塘占曉晴蓮腮霞舉葉雲生魚兒富貴真難比
翠蓋紅粧擁隊行
新竹地肥方怒長幽花晚發自欣榮飛來野蝶多情思
不逐蜻蜒點水輕
池荷岸竹悶寒清肱枕欹眠夢欲成珍重西鄰知好事
隔河送過讀書聲

千巖萬壑自秋春靜處觀山能幾人疊得假山人競看
世間宜假不宜真

綠陰樂靜未號蟬藕葉扶嬌汎水眠輸殺絳屯深閉壁
峙糧宿飽蜜中邊

侏儒飽愧東方朔姬母呼回郭舍人博局由來更勝負
雉盧那復較疎親

早作南風午北風暄涼翻手雨無蹤田翁舉似霖霖日
踏脚鳴車笑殺儂

青帶環生繞岸青葉間蟲篆學陽水墨池文冢非難化

芝菌從教子厚蒸

樹底鳴鳩相唯諾花間飛蝶自綢繆二蟲得失聊堪笑
鴻鵠誰能問奕秋

游魚遶石日千里反舌鳴聲已百能老鶴易饑增廩稍
乳雞勤哺領孫曾

客有可人君子竹書無同至大王風此風此竹堪誰共
著得茶經桑苧翁

人心似鐵爐猶在世事如棋路不移閑著目光牛背上
英雄千古竟兒嬉

老紅擬佔春光住，嬾綠枝頭更嬌妬。隨風宛轉未肯落，猶作霓裳羽衣舞。

又

樂天故不憂作德心逸，休雞蟲笑杜甫蝴蝶夢。莊周苛政猛於虎，蹊田奪之牛。書傳亂人意，周易在床頭。

詩別可齋陳制置移鎮吳門

恭惟上明聖，宵旰親政初。朝有快活貫，野無簿笨車。我獨何因緣，濫持鈞與樞。妄意在人物，搜羅到巖壑。穆之百函至，酬答疲卷舒。雖云得梗概，詎必相賢愚。君時霽

廉譽一再登，除書公牘恥。私謝直語非，貢諛尚無赫。蹠賤而况雙鯉魚，元龍一世豪。名下定不虛，我歸海之濱。偃息田園居，生平舊交游。相忘付江湖，軍將忽打門。君書來自吳，瓠藁富鴻筆。硯銘出龜趺，興懷向濼次。論文速荒疎，自言久愛敬。今始通勤渠，不為熱翁翁。不為暖姝姝，云何好尚真。夏與世俗殊，意者元城賢。待以涑水迂，獸旗畫星壤。龍藩開玉符，老我歎蒲柳。投閑託枌榆，味言喜啖蔗。秀句嫌催租的，知我輩人調度非。轅駒子長固多愛，含菀乃集枯。梅花倚瘦竹，清芬借專與。常恐

硬黃紙喚歸翔紫廬問君立朝節蹇諤辛毗裾問君治
理效所至桐鄉朱正爾澤東履俄然移右扶借留此截
鐙來暮彼歌襦譬之絳霄雲來往本自如君亦何心哉
此事姑置諸但惜君去我有唱誰和余寒山尚餘雪江
濶征帆孤揮毫寫別恨臨風獨躊躇

懷可齋簡林鄭二從事

可齋嚴冷如古書莊語敢下鉛與朱讀之不厭味有餘
蕭韶間奏愁爰居文墨政事同機樞炤人炯炯懸冰壺
昆弟親我同二蘇對床風雨夜夢俱別來半歲意鬱紆

賴有二客能從余或寄可齋雙鯉魚道甫問訊今何如

乍晴觀蜂房戲占

蜜蜂家計千頭奴日併花課供蜜租粉紅黃白各本色
擁腫雙脚尻馬車採花歸來不知數一一到門如合繻
方春乳房擁金屋子第分王造之國廣輸處處成甘州
饒口嚙嚙不遺力蜜脾割盡剗蠟膚畢歲辛勤用謀食
秋深冬早未見春嗅芳咀華來藻蘋釀成饌糧香滿室
日日飽衙知愛君問誰食蜜還主臣阜財富國今何人

糟螯胡送葦芷

胡腹一寸能郭索黃流在中自濡殼蝸蚌可自丈人行
螭蟹眠之師長伯二眸挺出勝怒蛙八跪前驅非屈蠖
笑今樊噲自橫行何用呂布須急縛舖糟吸醜乃我味
嚼齒穿齧未渠惡屬厭祇覺一解勝效美不辭雙距落
蔡謨但記尊足存孫卿不悟鐵成錯謾誇右手亦持螯
水中之怒無乃虐梁王蘊醢猶至今千古吁嗟漢恩薄
玉柱江蟪酒半酣銀絲鯽魚新膾斫此非不足君所邪
觸顧居貧未能學蠹魚瑣碎熟爾雅麴生逢之三距躍
太真小物自足佳葦芷一笑爲飛白

再和且答索飲語

晦途之人暗摸索如龜自遮聊以殼沉湘雖避屈三閭
斷髮奈逢吳太伯周官自詭虺羸蚘義經敢並龍蛇虺
嫗妃投甕甘骨醉俗以羣雌巨掩爲佳舌味無心寧法縛黃詩未
足助盤飧吳稻詎能爲歲惡尊前介士尚錚錚海底漫
郎終落落帛聲試聽響犀瓠玉指爲渠代金錯掩羣而
取僅遺小誰念坑降秦政虐二螯六跪冒族姓穴居頗
笑隣之薄縱有贖足亦可喜中有妙解木應斫贖擬新
篇問楊字先賦南京仰韓學壕山馬甲不易致岸下紫

鱗方物躍主人鶴鶴真耐痛笑許子彭如水白

諺語有鶴鶴日至水濱羣蟹相與捕魚蝦飼之以爲常一日鶴鶴語蟹曰施而不報非禮也吾喬木巢成亦可延客能從吾乎蟹以無翼辭鶴鶴曰此易耳子以兩距鉗吾足我爾身也蟹悅從之一飛戾空蟹懼鉗益力鶴鶴痛怒罵之蟹笑曰作主人乃爾痛耶

鄭德言暫館於別墅

我如杜甫逢王翰君似梁鴻領孟光花竹自慙非獨樂

杼機聊喜聽隣牆賦成寧笑老儂父獲熟定容周舍郎
他日楊花飛燕子可能長記陸宣莊

安晚偶成

五物中間着一翁園廛隨分可支筇章施采服花糴露
戛擊鳴球竹嘯風疎種密栽觀木漸淺流深浚養泉蒙
眼前丘壑無佳句自哂詩腸苦未窮

和鄭制幹遷居

帝遣夫君侍玉除蕭雲飛上駕龍駒兵談暫此棲油幕
荷濕居然見子覩風牖喜便鴻案舉月臺長對兔輪孤

孟嘗幸舍非吾事徒愧荀林爲送琴

和鄭制幹謝借居且惠明樽醉螯詩

平生愛山林里居想王屋孤月自無朋斷雲曾不族詎
知莊遵市儵有賈誼卜西河就索居漆園問尊足翟門
羅可去軒宅仁已熟似聞結駟多每見後騎屬魯臺時
遣餽監侯已發粟競懽王儉蓮肯問顏子粥家貧願鄰
富簾葭欣倚玉頗容滑稽叟來造堂上燭猶能辨絲簧
漸近不如竹濯醪恩兵醞庸行參聖聖讀願爲善頌禱既
醉備五福謀婦擬提壺敲門驚啄木持螯兩從事來就

桑下宿美味均適口雙明喜增日命駕匪千里星言媿
不夙聯句乏追韓補詩聊繼束終當效樂天駱馬爲酒
齋

題雪竇千丈巖

並海危峰駕六螯招提深處綠周遭樛松直上睡龍起
怒濤飛來風虎吼坐向亭空雲作伴待看身與月俱高
山靈意我酬清賞爲酌冰泉讀楚騷

林治中近有捕虎之役以拙詩

豺狼當道實堪嗔就乳於菟笑楚臣馮婦下車宜衆悅

將軍射石見心真渡河應避馮河勇搏獸終歸舞獸仁
他日朕虞須命益九官濟濟定相親

比以拙詩戲調張籍不知作者已盈軸矣輒和

兩韻

展也虞朝度績熙合修筐貢暨熊羆兕容于野雖非地
豹澤其文似識時毛革正須供有用血牙安是殺爲嬉
國僑惠政人誰犯虎聽多應謝子皮

虬虎寧如龜有知陸行端是觸危機縛渠呂布還須急
驅以王尋謾失威肯使黔驢呈短技直教獵騎合邊圍

惡盈詎必分人獸猛獲終擒自衛歸

宋人請猛獲於衛
石祁子曰天下之

惡一也云云
衛人歸之

圃中問訊梅友老幹疎花有足喜者

洗出金灘鎖骨沙種老老樹競槎牙冰霜歷盡肌生玉
宿牖寒深影到紗舊歲枝頭新歲景十分好處一分花
誰言冷圃惟秋菊春意撩人乃爾邪

東湖送藕與葺芷

州木誰無知葉落能糞本榮枯遞乘除苗寔自穠穠東
湖百頃蓮夏日傲趙盾州家浚河渠獮薶甚芸壑長身

萬柄荷髦梗付鍾釜寒煙熨青鏡時有白浪靚水鮮
仙骨根着泉源混外乾乃中腴下益寧上損淤泥胎玲瓏
多節竅混沌園丁亦善沒學波沸魴鱒象株忽仰浮
登岸如衮衮誰知絳縣塗可試平叔粉名非玉井船實
過秋蘭晚者藪雜燕豆菹菜補中壺交梨能養生護艸
亦忘忿空言出好事孰與津燥吻贈君擬條冰羞勝羞
藻蘊

送新薑與葺芷

仲尼何不撤薑食損智深譏藏戲劇將以愚民豈其然


半山失喜馬動色徇執誰解鐫此老一時鑿說聃曾臆
我疑驗之神農書增壯胃腑良有力呂令音商其味辛
調芼魚蔬藥稷香方冬沃土培其根隴畦分封隨壤息
長鬚視苗僅獻新先時斲起奮鉏棘青株斯拔薤本重
紅箕半露淺包側駢指驚看產漆園臆足疑爲尊積石
欲搗芳辛入薑臼爲憐膚理傲金狄僕命薺茶泥詩雅
肩差梅桂班內則笑加束縛代書鯉持助饗庖繪銀鯽
早年宜薑諺有之今歲雨多生意嗇小摘酸寒類甲菜
大阿嬰冒期滕席公羊穀梁汝往哉反音一笑當勿勅

裨官有記公羊穀梁並出一人之手
其姓則姜蓋四字反切即姜字也


山間錄拙作求教葺芷俚語將命笑擲幸甚

老我愧不學無以祛六蔽短綆赴修汲深淺忘厲揭每
逢撲凸篇如對葛峇謎敵壘或致師何以禦柴曳書林
倦回旋筆徑宜睥睨獨自搔背痒誰與解鞿繫誤墨拙
成蠅飲醢癡聚蚋罷成多苦窳艸剗類第絕未善文心
雕曷助葵足衛樂只正始音盡發文冢瘞古意窺九嶷
詞源決三溼英風韻風雅噩噩規誥誓精剛拏健鶻妥
帖律狂獬解注卑蟲魚獻納笑蝦黷讀檄頭愈疾聽語

麋著單風高補釣臺天朗擣蘭袂合止按商角刮磨出
簾鏡妙指曲不傳奪胎骨可說神鍼如運斤拆屋去眼
翳又如大醫王剖胃滌滯滯滯萬象困蒐討瑤金投昆麗
司文當執衡却掃甘擁簪空山闊游從思君願言嚏蕪
詞薦藜藿香毫待薑桂翳桑急壺瓊母爲答飯毳



國家圖書館, NATIONAL CENTRAL LIBRARY, TAIWAN, R.O.C.



安晚堂詩集卷之六

四明鄭清之德源

謝徐德夫右司和御製賜詩

直道何曾較尺尋昔賢垂範到斯今
卑謨勉勉歌元首
說誨年年沃朕心幸過千齡開聖治
頃塵三事愧宵箴
奎文衣被真難報盥誦新詩愛助深

揭下林下破天慳要使明詩見一閑
齒屐印苔春縱步

頸壺蒸粟晚加餐夢魂飛到味書閣

德夫家有世路牢
味書閣

封函谷關翻笑醉翁猶未醉黃金
白髻詫腰環

和林治中雪詩五首

擘天騰六勇如龍移下瓊臺撲凸奇老畫青山真是幻
從渠白戰更無詩馮蘭且喜明雙目嘶騎寧愁到十眉
謂撒戎也坡詩長安畫手開
十眉云云中有魚陽胡騎嘶 烹酒不妨敲竹韻園林正
好樂清時

兒嬉犯凍搨文貌怒眦張唇狀崛奇圖得形模規婦笑
絕憐冷落賦翁詩幕談多暇堪娛日喜色排寒爲上眉
頗念袁安正高卧拙柴煨芋了年時

鹽虎模糊惜豹貌玉峰高竝自多奇春光北苑供花事

夜入西淮奏雅詩銀闕勢增開雉尾賀班香近列蛾眉
看君來歲賡酬筆移在儀曹進表時

白旄麾輻收郊貌羽扇分飛更出奇凍裂弓鏊元濟縛

嘴殘氈毳子卿詩蘆花夜月凝溢口梅玉春風侈蜀眉

坡雪詩有五
梅春之句 一幅溪藤知幾返鏤冰冷語不驚時

貍躩酣拂豹雜貌見爾雅釋
獸連文 獵騎漫山伏正奇瘞手艸

成熊館賦羣驅 入兔苴詩獸奔駭顛淮肥口狐媚謹
摧髡國眉騰六倚渠真誤事大寒不出是知時

因會來詩再賡元韻

組練橫陳壯士貌想因舞羽去窮奇千山白髮存公道
十日清吟費老詩待伴易銷春有脚交光最勝日如眉
只愁無著梅花處東絹平章付伯時

續詩之罷依韻以謝

莫搜險韻續貓貌雲景須知雪後奇日絢寒光粧淨界
梅將真色薦新詩試敲折竹煎茶舌旋覓選岑出黛眉
油幙輸君談笑樂聖杯正是一中時

村邊以湯婆樣惠示與詩俱來元韻

惠中秀外更清便姪姁嬌羞二八年無奈畏塗生衽席

寧教寒夜折冰綿遣來勸嫗知君狀擬伴活翁到曉天
只恐靦花陶學士風流未了續膠緣

再和村邊解嘲

閑身惟向靜中便莫景侵尋絳縣年未解真精昏默默
且觀元牡息綿綿溫柔鄉裏誰能老冷澹生涯別有天
笑撫脚婆爲法喜添園何必問經緣

緣督以
爲經

暖足番君老更便摩挲笑問阿婆年聊吟夜月移花影
肯向春風逐柳綿自有散花居丈室何妨姁女共壺天
鉛華列屋諸君事乞與寒梅了世緣

造化真機動靜便誰云巧智可同年
藍田日暖煙生玉
閩嶠霜濃木有綿
萬象爲春皆是物
一花不實豈其天
吾身太極元同運
陽長陰消在所緣

和葦芷荀詩

我貧每笑齊之獨
晚食雖甘未忘肉
梅肥尚餘風折綠
溟泮餐英命騷僕
藩籬別彼羝角觸
送以玉堂如楚束
惡詩聊賦徐凝瀑
妙句飛來激鳴玉
曾無導吏隨賈餗
坐遣跛奚委葵菽
茁芽勤視綠坡竹
期飲伯洞亦空洞腹
書腸膏腥士之辱
得魚不敢餉羊續
要知菜味勝山谷

步趨強顏髮曲局
盤有美茹無不足
陋矣王芻箋衛澳

贈許石田爲僧

平明對鏡良獨難
子能脫屣彈指間
戲視此身如髦鬣
冠中擺落逃繻關
千金強弩一笑彎
萬錢買盡江南山
厭渠世路車輪殷
赤脚健倒苔痕斑
參寥佛印若是班
江湖風月不汝慳
汝狂方醒衆所謹
我獨見之爲三歎
辨詰孔釋何可刪
白雲深處輸君閑

和敬禪師茶偈

飯罷茶來手接時
箇中日日是真機
建溪顧渚君休問

冷暖如魚只自知

睡龍纏繞黑甜時
捧喝金提落鈍機
管取一毆先看到
三更日出有誰知

魚鼓纔休客至時
摸頭元是最先機
不須吸盡西江水
一滴曹溪味便知

贈育王堪笑翁

問訊瞿曇老比丘
靈山何似雪山頭
笑翁底事正堪笑
面似靴皮笑未休

蔬圃

活計園蔬日日新
杜陵差慰婦長貧
旱薑水芋年時熟
春薤秋菘意味真
畦甕賸分三伏雨
露根常占百花晨
荷鋤未省勤耕稼
猶媿師門學圃人

和林倅賦郡守隨車雨

旌車勤雨拂參旗
大士圓通現白衣
爐棧輕煙方先路
雷門急令已宣威
爲霖賸作西成計
書歲誰云大有稀
賢守劬躬民國念
食言應笑魯臣肥

和白雪老禪二偈

閱盡恒河水上波
聲塵何似泡漚多
還師拍板鉗鎚後

更唱誰家別調歌

簷鐸吟風月半凹黃金布地欠誅茅三更日出真光景
大好欽身正笠包

靈隱慧上人惠詩爲古風以贈

貫休齊已唐世人當時逸氣凌簪紳聲名疊疊逼甫白
幽蘭直與梅爭春誰知北面石霜老服勤杖屨背終身
二公所得當蓋世英詞傑句風中塵至今傳者以詩重
妙處反爲詩所湮弄翰戲墨雖佛事吹沙作糗成饑嗔
不欲詩工與字巧緒餘能奪道之真心宗一了萬法具

辯才飛轉陶家輪君不見阿難多聞及辯慧咒語要敵

摩伽神

天育二老禪惠示經佛偈答以十詩

二老毫端一滴曹喚醒寐語沒怛怛更無慧可安身處
作莫當時立得牢

餘塵明極強分離菩薩如來是阿誰既道本來無一物
將何芥子納須彌

龍宮海藏自分明極極灘頭一任傾因果若還終不昧
政須防作野狐鳴

書經猶有透箇在畫佛何曾夢見來玲石玉峰雷雨過
梅花昨夜一枝開
三經已是太多羅州去休休更問婆箇裏幸然無一事
何須終日把靛磨
四十劫來閑坐休忽拋長舌鬧籃頭若言面壁爲心法
瞿老還輸第一籌
懵懂維摩不二門畧無遺囑付兒孫普賢若匪剛饒舌
此事如何更吐吞
老風無聖亦無言薦指虛空喚作禪掌血條痕無着處

教誰白地患青顛

般柴運水老龐禪佛法無多在密邊認汝將來還與汝
因師交友更團圓

生老年來病已深灸瘢着艾復難禁六根四大原無有
何處求師下一鍼

鄭德言親覩洛伽觀音相遂依所見繪畫朝夕
嚴奉且求贊語敬題其旁

具足圓通性一念本昭徹佛我與信心是三無差別凡
人未見聖如渴以河說佛身忽現前如水印秋月心精

自開遮見根匪優劣念中有大士珠璣百寶結補陀洛
伽相在在猶日揭是名爲正觀倒想作奇絕稽首圓通
尊茲念無起滅非相亦非念不盈復不闕唯然觀自在
無眼耳鼻舌

拙偈調偃谿上人

昌黎先生入山裏大顛牢把數珠子松下經函着淨瓶
照管習之翻却水丞郎滿擔江西禪行行勘辯撩天鼻
偃谿爛嚼雪窗紙換却舌頭別參起

雪窗董寺丞將指平讞安晚來訪因舉似偃谿

爲下一則語

佛法方當惡劇時偃谿笑裏袖鉗鎚不教管領千雲衲
打徹頭關更聞誰

簡雪窗董寺丞

世路機心走兔遠雪窗一縷不遮藏蒲雲梯月真遊戲
茅舍何曾外玉堂

聖賢事業在心樂禹稷顏回豈異觀世故波瀾同起滅
姓名千古要清寒

山間大風雨晝夜不止聞松聲撼床戲成拙語

謾錄星葦芷參溪

顛風橫雨窮山秋
樵青苑擔車停
斲松聲撼空吼萬牛
轟極勢欲傾不周
晨雞扼吭音且愁
百鳥何敢相喧啾
恍疑趙壁環諸侯
呼聲動地鏘弓矛
又疑變化鷓鴣儔
垂天鼓翼南溟陬
或者挽翻河漢流
雷飛霆擊龍蛇蚪
不然火烈陸渾丘
天跳地踔啼熊猴
狂吞狼吐山裂鳩
大音奔騰怒相投
夢中驚迴仙枕游
分明夜宿浙江頭
三更潮水掀柁樓
蒼茫起坐擁黃紬
觸屏喚作錢塘舟
此身端坐巖之幽
如何兩耳不自由
乃與喧寂爲沉浮

影蛇石虎以妄求
世間萬事浪喜憂
大學能定心逸休
疾雷破柱方夸猶
真須浩養師孟鄒
風止韻作商聲謳

和復岫齋醉之什

勝地來休沐山程懶
忘前州堂新杜曲
詩格舊臨川客
乘千珠履翁琴百澗泉
參尋幽路滑空想石頭禪
大雅千巖秀清標
萬玉前醉扶有宗武屬
和得師川境
勝堪勗月詩香可釀
泉竹林風度在枯坐
笑僧禪

書西湖雷峰講主州書

寶慶丁
亥閏夏

余以職事出郊歸塗午漏下
逋暑於雷峯老師齋

客乃二十年前所識雲上人也因索州書縱觀成

古風十韻以贈

雲師一生耽聖州銀鐵蟠空觀天巧老來逸氣未全平
筆底鋒芒猶掃開關勇士爭赴敵劍戟弓戈奮相鋒
睡龍決起求頭珠剗木抓巖紛怒爪風雷喧壓撼坤軸
飛電交橫印清沼忽然天宇變空澄千丈孤峯立寒峭
張顛驚號智永泣剝筋椎髓爲君飽恨予不習州書訣
九轉枯腸祇自攪雲師雲師汝誠能春蚓秋蛇幾時筆
何如認取主人翁破衲蒙頭紙窗曉

送王伯厚入廣

五行在天地惟水明且清如何南中泉乃獨以貪名水
號黑與弱淖汨稱濁涇彼皆有其實所以得此聲山川
日秀發九疑羅翠屏扶輿產清淑丹砂銀石英有泉出
其間冷然堪濯纓政坐貪夫累土炭浣玉冰桓山以魃
故至今人羞稱柳子愚其溪百世相因仍有如此白水
好貪豈其情我欲招存齊說之南山汀一洗萬古貪涌
雪歸東溟夫君素潔已贈以貪泉銘

送繼一郭處士

聖君如堯舜豈無巢與由計然亦何慕五湖一扁舟之
人久不作側席思巖幽嘗聞鹿何君清芬徹凝旒

聖君如堯舜豈無

重華錫嘉號見一光林丘誰謂雅

道息競風日悠悠脫冠掛神武有士歸東州笑將金閨
籍猛博處士裘鈞天爲開顏曰此夸逸儔大書繼一字
虹光屬奎婁宸章軼麟衣正聲出天球清名獎靜退下
視古素侯謨廣先憲矜節追前修况今輯衆雋丞弼
登虞周明時樂閑暇出處自不侔赤城宅仙子登陸方
蓬洲君歸訪司馬坐忘春與秋方瞳照綠髮戲轉黃河

流煙霞蕭逋客隱者應輟耨款乃輔行色春風生柁樓